

BOSNA I HERCEGOVINA

FEDERACIJA BOSNE I HERCEGOVINE

VLADA

BOSNIA AND HERZEGOVINA

FEDERATION OF BOSNIA AND HERZEGOVINA

GOVERNMENT

БОСНА И ХЕРЦЕГОВИНА

ФЕДЕРАЦИЈА БОСНЕ И ХЕРЦЕГОВИНЕ

ВЛАДА

Broj: 03-04-96-4/22

Sarajevo, 07.03.2022. godine

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primijeno:	09-03-2022		
Org. jed.	Broj	Priloga	Vrijednost
05/1	-02-	12	/22

PARLAMENT FEDERACIJE BOSNE I HERCEGOVINE

Zastupnički dom

n/p gđi Elmi Đogić, zastupnici

n/p gosp. Ivanu Miličeviću, tajniku

Poštovani,

Sukladno članku 75. Poslovnika o radu Vlade Federacije Bosne i Hercegovine - Prečišćeni tekst ("Službene novine Federacije BiH", br. 6/10, 37/10, 62/10, 39/20 i 67/21), a u svezi sa člankom 116. Poslovnika Zastupničkog doma Parlamenta Federacije Bosne i Hercegovine („Službene novine Federacije BiH“, br: 69/07, 2/08 i 26/20), u privitku Vam dostavljam akt Federalnog ministarstva pravde, broj: 09-45-256/22 od 22. veljače 2022. godine, koji se odnosi na zastupničko pitanje zastupnice Elme Đogić.

S poštovanjem,



Privitak: kao u tekstu

Broj: 09-45-256/22
Sarajevo, 22.02.2022. godine

**VLADA FEDERACIJE
BOSNE I HERCEGOVINE**
n/r Sekretar Edita Kalajdžić

BOSNA I HERCEGOVINA
FEDERACIJA BOSNE I HERCEGOVINE
VLADA
Republika

PP	4.3.2022
Organizaciona jedinica	
Klasifikacija	
Broj	
Godina	
03-04-96-4/2022	

PREDMET: Zastupničko pitanje, odgovor – dostavlja se.-

Veza: Vaš akt broj: 03-04-96-4/2022 od 26.01.2022. godine

U vezi sa zastupničkim pitanjem koje je postavila zastupnica Elma Đogić na 29. redovnoj sjednici Predstavničkog doma Parlamenta Federacije Bosne i Hercegovine, održane 24.01.2022. godine, koje glasi:

1. "U kojoj je fazi provedba Zakona o principima lokalne samouprave u FBiH, da li se on provodi, te kada se očekuje potpuni prenos prava i obaveza jedinicama lokalne samouprave, posebno u oblasti obrazovanja i zdravstvene zaštite?"
2. Kakvo je stanje provedbe ovog Zakona u kantonima u Federaciji BiH, sa posebnim osvrtom na Unsko-sanski kanton?"

Federalno ministarstvo pravde daje slijedeći:

ODGOVOR

Članom 8. Zakona o principima lokalne samouprave u Federaciji Bosne i Hercegovine ("Službene novine FBiH" br. 49/06 i 51/09) propisano je da u vlastite nadležnosti jedinice lokalne samouprave, između ostalog, spadaju:

- utvrđivanje politike predškolskog obrazovanja, unapređenje mreže ustanova, te upravljanje i finansiranje javnih ustanova predškolskog obrazovanja;
- osnivanje, upravljanje, finansiranje i unapređenje ustanova osnovnog obrazovanja;
- ocjenjivanje rada ustanova i kvaliteta usluga u djelatnosti zdravstva, socijalne zaštite, obrazovanja, kulture i sporta, te osiguranje finansijskih sredstava za unapređenje njihovog rada i kvaliteta usluga u skladu sa potrebama stanovništva i mogućnostima jedinice lokalne samouprave;

Također članom 58. navedenog Zakona propisano je:

“Federacija BiH i kantoni dužni su uskladiti svoje zakone sa ovim Zakonom, te izvršiti prijenos poslova i nadležnosti, kao i odgovornosti dodijeljenih jedinicama lokalne samouprave ovim Zakonom u roku od šest mjeseci od dana njegovog stupanja na snagu.

Jedinice lokalne samouprave dužne su uskladiti svoje statute sa ovim Zakonom u roku od 12 mjeseci od dana njegovog stupanja na snagu.

Stupanjem na snagu ovog Zakona prestaju da važe odredbe kantonalnih zakona o lokalnoj samoupravi i odredbe statuta jedinica lokalne samouprave koje su u suprotnosti sa odredbama ovog Zakona“.

Na osnovu podataka kojima raspolaže ovo ministarstvo jedino je Unsko – sanski kanton donio Zakon o lokalnoj samoupravi Unsko – sanskog kantona (“Službeni glasnik Unsko – sanskog kantona”, broj: 8/11) i Zapadnohercegovački kanton, Zakon o lokalnoj samoupravi Zapadnohercegovačkog kantona (“Narodne novine Zapadnohercegovačkog kantona”, br. 8/09 i 18/11).

Tuzlanski kanton je donio Zakon o prestanku važenja Zakona o lokalnoj samoupravi Tuzlanskog kantona („Službene novine TK“, broj: 13/07), te se poslije toga direktno primjenjuje federalni Zakon.

Također ističemo da su stupanjem na snagu Zakona o principima lokalne samouprave u FBiH prestale da važe odredbe kantonalnih zakona koje su u suprotnosti sa federalnim zakonom, što praktično znači da se u konatonima koji nisu uskladili svoje zakone, imaju primjenjivati odredbe federalnog zakona.

Ukoliko je kantonalnim propisom povrijeđeno pravo jedinica lokalne samouprave, općine i gradovi, kao i udruženja općina i gradova Federacije Bosne i Hercegovine, u skladu sa Ustavom Federacije Bosne i Hercegovine, pred Ustavnim sudom Federacije Bosne i Hercegovine mogu pokrenuti zaštitu prava na lokalnu samoupravu.

S poštovanjem.

 **MINISTAR**
Mato Jozić

Dostaviti:

1. Naslovu,
2. U registar
3. Arhivi.